

Qalam

Bilangan 62 – Muharram 1375 – September 1955 – 60 sen

Kejayaan Perikatan

Kemenangan yang di dapat oleh perikatan UMNO-MC A-MIC adalah suatu kemenangan yang cemerlang di dalam mana mereka telah daripada besar hampir seratus peratus iaitu 51 daripada 52 kerusi yang direbut oleh mereka. Dengan kemenangan itu maka pihak Perikatan telah dapat suara penuh untuk memerintah di Persekutuan Tanah Melayu,

Bagaimana mereka mendapat kemenangan sebegini banyak dan bagaimana sebab-sebabnya pertubuhan lain yang berlawan itu kalah -tidaklah payah kita mengambarkannya di sini kerana yang demikian itu hanyalah perkara-perkara yang patut mendapat perhatian daripada mana-mana yang salah dan mencari jalan kerjasama di antara rakyat yang memilih dan parti-parti itu sendiri.

Yang mustahak diperhatikan ialah apabila tersiar sahaja kemenangan Perikatan maka orang-orang Cina di perak dengan serta merta menuntut supaya Bahasa Cina dan India dijadikan juga bahasa kerajaan di samping Bahasa Melayu dan Inggeris yang digunakan sekarang. Di sebalik itu menuntut pula supaya kerakyatan dilonggarkan.

Dengan sifat UMNO sebagai sebuah pertubuhan Melayu dan mengaku bekerja untuk Melayu dan menumpukan perhatiannya semata-mata kerana maslahat Melayu maka tuntutan yang tersebut ini kelak adalah sebagai satu batu ujian kepadanya untuk mengaku adalah ia dalam Perikatan dengan anak-anak dagang itu dapat kelak mempertahankan maslahat orang-orang

Melayu – maslahat-maslahat yang berlawanan dengan maslahat mereka.


Hal ini adalah dipandang sebagai sati ujian kelak kepada UMNO menghadapi keadaan-keadaan – dan sekiranya ia kelak kalah dalam mempertahankan maslahat orang-orang Melayu dengan sendirinya. Menurut pandangan kita, ia akan jatuh di mana orang-orang Melayu.

Kemungkinan-kemungkinan yang bakal dihadapi oleh UMNO kepada keadaan-keadaan yang berlawanan dengan maslahatnya dengan anak-anak dagang itu banyak. Untuk menyelenggarakan keadaan sekarang sudah pasti modal-modal asing dikehendaki tetapi modal-modal asing itu dengan adanya Perikatan. Tidak sahaja lagi dari negeri-negeri barat tetapi juga dari timur terutamanya dari Hong Kong! Modal-modal itu dihajat kerana membuka lombong-lombong dan estet-estet. Kalau untuk lombong. Apabila modal diterima maka pekerja-pekerjanya dijajah pula sebagaimana lazimnya sudah tentulah pekerja-pekerja itu dikehendaki mereka terdiri daripada bangsa-bangsa mereka – dari India dan dari Cina,

Sepintas lalu tidak ada ertiya tetapi kalau dikaji semula maka jika ini kelak diluluskan terjadilah seperti pada tahun 1909 dahulu di dalam mana dengan kerana itu Tanah Melayu akan dibanjiri mereka – dan kesannya anak Melayu atau bangsa Melayu akan menjadi puak – bukan bangsa lagi – kerana ia telah menjadi puak yang kecil di dalam tanah airnya sendiri.

Sekalipun umpamanya tidak disebabkan itu, melihat kepada perkembangan yang ada sudah terang bahawa orang-orang Melayu jika tidak ada kawalan dari sekarang dengan sendirinya akan menjadi puak yang kecil di tanah airnya sendiri jika bersaing dengan suburnya anak-anak daging itu. Kerana itulah syor-syor yang mengkehendaki supaya didatangkan orang-orang Melayu untuk mengawal kedudukan mereka di tanah air mereka sendiri.

Juga perkara perkembangan Bahasa Cina supaya digunakan di dalam majlis-majlis kerajaan seperti yang dituntut



Orang-orang haji sedang "wukuf" di Padang Arafah. 700,000 telah menunaikan haji pada tahun yang lalu.

oleh orang Cina di perak itu adalah membawa sesuatu perkembangan yang besar untuk melumpuhkan sama sekali maslahat-maslahat orang Melayu. Hal ini tidak hanya terletak kepada bahasa tetapi mengenai juga kepada dasar pelajaran yang bakal menyaingi pelajaran Melayu.

Di dalam persaingan pelajaran ini orang-orang kita Melayu sebenarnya telah tertinggal jauh kebelakang. Orang-orang Cina bukannya telah meratakan sebaik-baiknya sekolah-sekolah rendah yang menggunakan bahasanya tetapi juga telah mengadakan sekolah-sekolah menengah dan sekolah-sekolah tinggi sehingga sekarang kepada universiti. Semuanya dipunyai oleh mereka sedang kita orang-orang Melayu boleh dikata di dalam serba serbinya bergantung kepada kerajaan. Dengan

dengan adanya yang demikian ini – dan lain perkara lagi yang melemahkan kedudukan Melayu dan bakal melumpuhkannya maka kejayaan UMNO (dengan Perikatan) akan diperhati orang dalam masa menjalankan pemerintahan kelak – adakah UMNO sebenarnya dapat mempertahankan hak-hak Melayu di dalam persaingan memerintah bersama-sama dengan ahli-ahli Perikatan yang lain? Keadaan yang bakal menjawab soal-soal itu.

*

TAHUN HIJRAH 1375

Dengan timbulnya bulan Muharam yang bersejarah ini maka kita sekarang sedang berada dalam tahun baharu Islam yang diharapkan akan bersempena baik bagi umat Islam amnya.